

# ZRZESZ KASZEBSKŌ

CZĄDNJIK  
KASZEBSKJICH ZAJMOV



V MJONO BOSKJI  
NORODNI VZENJIK

Vědovajaci i redaktor wodpovjedzalni:  
IGNACY SZUTENBERG — GDYNIA  
ul. Świętojańska 16.

„Zrzesz Kaszebskŏ“ věchodŏ 1 roz v mje-  
saci. Przedplatnŏ je rocznie 3.50 zł;  
kwartalnje 0.90 zł. Czqdk 30 gr.

NR 11

KARTUZE Lestopadnjik 1937

ROK V

## Czvjerce vjeku wod zjazdu młodokaszebov ve Gdińsku

Mijŏ v tim tu roku 25 lat, jak inteligencejŏ z nokozu czasu i potrebe zindzenjŏ sę v vespoini gromadze zvoła zjazd v 1912 r. do historeczni stolcě Kaszebstva Zochodn ho — Gdińska. Zjazd nen dzis przěpominomě, žebe vezdrzec na njen jakno na jednę z voznjeszech faz sztołcenjŏ sę meslě kaszebskji, chterna tejde całŏ bela podporzqdkovanŏ interesom polskjim. Kaszebov i Polochov vespoini sparłęczivalě cěle: krzivda, solidarnota v wobronje vlosniho dobra duchoviho i materjalniho. Pod zaborę dva norode slovjańskji razę kanělě, zagarżoni cezeną germańską v agreseji. Polosze wumocnijivelě sę njezabeti n wutracenjim svobodě norodni. Kaszebjji podlegelě cezińcovjji, wostavjoni bjeęę dziejov vegetaceji; krzivda Polskji sta sę dzelem Kaszebskji; Polosze pod cezińcę vēchovjivelě sę na vlosni movje. nowuce historeczni krejamko wuczoni, Kaszebskŏ przesłota žela v bajkach, wopovjostkach ledovech. Polskŏ jesz dosc bela mocnŏ, žebe nje poddac se zgubje norodni, za słabŏ — žebe zvarcec sobje pojigę, Kaszebom dzeje przeznaczelě leżec v zamjartvji, belě wostavjoni na lasce dziejov, jederno Polosze belě do bjotkji z cezeną zdolni. Wostatni dzieje Kaszebov belě tak mali, v rodnych checzach, cechi, jak cechim moze bęc czas v konanjim norodu, chteren nje vje, že to norodnŏ desza konŏ! Kulture vjikszech norodov, to smętorze malech ě słabech! — Tak hevo dzisodnję volŏ kaszebskji vanożnjik.

Kaszebską przěpomojŏ Cenova. Beło przed vojną svjatovą grzechę społecznim i politicznim nje zabec wo ji spravje, jak Kaszebską nje zabeł Cenova. Njeszczescě polskji beło jesz svjeżę, vjolgji; kaszebskji tak v dalenjiznje wostanę, že beło nje na czasie wo tim vspomjinac. Polskŏ pod cezińcę potrebova seł worganizacyjnech, młodokaszebjji do-  
brze to rozmjejac, belno spravje polskji služelě. Ce-

nova, som jeden, mało rozmjani, na te czasie lechim beł dlo ledu vēchovavca, podnjos spravę kaszebską v vjeku „zimku norodov“ (1848). Nje beł pierszim, bo v XVI i XVII vjeku Krofey i Pontanus vēdanjim pjesnjika i katechizmu przěpomjelě wo Kaszebach-Slovjińcach. Młodokaszebjji rozmjelě potrebe polskji na zemji kaszebskji. V dzisejszim znaczenjim beł to tipovi regionalizm v prŏcě nad Kaszebjizną, a jejich devizą: „co kaszubskie — to polskie“. Młodokaszebjji vszestko teje tlomaczelě interesem polskjim — tak mje vējosnjŏ v diskuseji nad tim ruchem przedvojennim v. dr Majkovskji i jesz njechterni mjelě pomeszlenjě, že to separatizm — zaru dodovŏ. Dzisodnjovi ruch kaszebskji stoi v sprzecznoscě z młodokaszebskjim wo teli, že momě przede se interes kaszebskji-slovjańskji. Ruch młodokaszebov je wosobnim dlo se dzełę, dlote přińdze nom movjic wo samim zjezdze. Wuvogji te są konjecznę, žebe lepij rozmjoc poziceję młodokaszebov v latach przed vojną, przed tim anji potemu wo młodokaszebach nji moze bęc mově, znaczenjě i som zjazd ve Gdińsku.

Ze zjazdu wostoł protokol v wopracovanjim sekretarza zjazdu ks. Wojciechowskiego wo 9 stronach, z věcinkę z „Gazety Toruńskiej“ nr 143 z 1912 r. i „Dziennika Poznańskiego“. Do protokolu są załączonę „ustawy Towarzystwa Młodokaszubŏw“ i notatkji robjoni v czasie samiho zjazdu. Protokol je v posadanjim v. dr Majkovskjiho, žeczno wusposobjoniho dlo przebočenjŏ zjazdu v „Zrzeszě“. Na zjazd wupovażnja „karta legitymacyjna“ podpjisano przez dr Majkovskjiho z programem zjazdu. Wodbeł sę 20 i 21 czervjińca 1912 r. ve Gdińsku przę Hintergasse 16 I v lokalu Eildungsvereinshaus.

Z tech, chterni sę zgłoselě na zjazd, dc 100 wosob, przeszło kole 60 z vszetkjih trzech zaborov. Wupovażnenjě na zjazd wodebrele leno ti, wo

chternach žeczność można było rehować. Zagajenié i przévjitanié gosci było przez dr Majkovskijho, mjeszkajéciho tej v Sopotach. Przewodnjiczącim je včbrani Janta Połczyński z Zabiczyzna, zastępcą ks. prob. Cyra z Drzycima i zmarli v tim tu roku ks. Wojciechowski z Borzyszkowa.

## Referate

Pjerszi „O dotychczasowej pracy młodokaszubów“ movjeł ks. Wojciechowski (Kaszebką była le jeho matka). Novožnjeszą robotę včkonelē mlodokaszebji v literaturze — co ju teho je przęczeną, że ruch povstoł vestrzod młodzeže; że dzél jeji je v školach, ni mogła ta robota jinaczi včkazivac sę jak leno pjorę. Dotąd belē trzē vožnjeszi zjazde. Na kuńcu zélnjika 1909 wutvorzela sę spolka dlo vėdovanjō „Gryfa“, chteren do numru 6 r. 1909 vėdovoł z vłosnech funduszov dr Majkovskji. V Koscercznje r. 1911 wurządzelē vėstavę kaszebskō-póm.; inicjativō včhoda zez zjazdov. Na zjezdze v roku 1911 wustalelē pjisovnję i składnję kaszebską („Zarys ogólnej pisovni...“ napj. dr Lorentz, przepolaszel Janovicz (Karnovskji) „Gryf“ nr 7-9 r. 1911). Celem teho tu zjazdu je z worganizovanjē seł, chterne donął procovałē njezrzeszonē, bo ruch mk. zveskoł belni dzél dzałaczi i przejaceli. „O organizaciji młodokaszubskiej“ referovoł dr Majkovskji. Ruch młodokaszebov povstoł ju jakjis czas przed „Gryfem“ v Vdzidzach: prōcą Gulgovskijho, v Pelplinje przez kolko kaszubologov (mj. j. noleželē ks. Wojciechowski, sędza Karnovskji). Ruch młodokaszebov povstoł z przekonanja, że Kaszebov dō sę retovac leno na podstavje wostali kulturē domoci,

Kjej przed 4 latmi dr Lorentz przez rząd (njemjeckji) wutrzimivani badocz Kaszebjiznē z szkolnim Gulgovskjim založelē njemjeckji „Verein für kaschubische Volkskunde“, Kaszebjji zaczelē to stovarzeszenjē wuvozac za svoje predstavjicelstvo. V tim, jak podovō protokoł, była njebezpieczność; proponelē zalozec gazetę kaszebską. V ti chvjilē povstoł „Gryf“ (pjismo to, jak mje vejasnjō v. dr Majkovskji, benomji nje povstało leno z antagonizmu do „Vereinu“, ale chterno i mjało ruch inteligenceji popjerac; sprava, prōcō kaszebskō była be szła v rękach njemjeckjich, „Gryf“ temu przeszkodzel). Nokoze Vereinu v zocętku belē czesto nowukovi, noleželē dloteho Kaszebjji i Polosze. Vnetka jednak przez wurzędnjikov (!) v towarzestvje tim panoszec sę zaczął hakatizm. Kaszebjji tej zaczinelē go wopuscivac (Gulgovskji, Kocevjak skaszebjoni v Vdzidzach — tež), co spovodovalo povstanjē wosobno mlodokaszebov. Zveskelē svoją prōcą przejaceli, „Kjej jesz tu i tam njedovjerzają nom, to z przęczenē njedobriho dziedzictva Cenove, jakji posodomē. Mē

za njeho cerpjimē (sic!). Przedložoni wustave planovi worganizaceji mają nje demokratycznē wujęcē. Przewagę v njich mk. delē inteligenceji kaszebskji“. — Dr Kręcki ze Gdińska movjeł „O materialnych podstawach pracy młodokaszubów“. V roku 1909 wutvorzelo 8 wosob Spokę Vedavnjiczą z wudzalami po 15 mrk; ters spolka mō 58 wudzalovcov z kapitałem kole 1500 mrk. Spolka przechodza kriticznē chvjile, ale teru mō belné podstave. V novi worganizaceji członce czenni mają płacec 3 mrk. mjesęczo, zvezajni 1 mrk. rocznje.

## Diskusejō

Po referatach wo godz. 5 po połnjē i przervje połgodzenni nastąpia diskusejō. Tu następuje dosc czekavi moment, v chternim sę včkože stosunk grupē mk. do zaproszonech predstavjiceli žeciho społeczno-politiczniho polskjiho. Diskusejō je wo teli znamjen-nō, że zarzute tej vėpovjedzanē pod adrese mk. jesz dzis v njezmjenjoni formje pokuteją, t. zn. svjodczą wo ignoraceji sełē i vortosci ruchu kaszebskijho v wogolnosćē. Cituję dosłovno za protokołem przebjęg i same diskusejē: — Ks. poseł Łosiński (posłē do sejmu preskjiho wod 1903 r. z wokregu vejrovsko-pucko-karteskjiho — przėb. aut.): Jednak mlodokaszebji zapevnją, że mesl separatizmu je nje do pomeszlenjō, ale v provdzevosćē prōcō jejieh robji sę separatistecnō (!) Zōs Gaz. Torińskō v tim molu podovō: Ks. poseł Ł. zez Srakojc vjidzi v ruchu mk. vjelgą njebezpieczność, choc przez samech mk. nje chcanē i nje žeczonē. Kaszebjji „Gryfa“ czetac ni mogą, lepji zrobji tam szerzenjē literaturē polskji. Dr Majkovskji wōdepch ten zarzut. — Wodezva posła Ł. całovno przeczi prōcē mlodokaszebov! Młodokaszebji verazno stvjerdzelē, że leno na podstavje Kaszebjiznē dō sę retovac przed coroz vjkszym nalinanjim njemczeznē na Kaszebov. Včkozivō wo tim statistika glosov do sejmu i parlamentu njeajemckjiho. Dłote tež, dzis povjedzec możemē, leno mk. znelē i wodkrelē jistné rozvjazanjē celovi prōcē na Kaszebach dlo retovanja jich dlo interesov Polskji. — Po dr Majkovskjim movji dr Panecki: ...njech mk. sę nje robją wosobną grupą politeczną, trzeba za to lud kaszebskji sparłeczec z polskoscą. Dr Majkovskji: zastrzegō sę, jaknobe ruch mk. choł abo mog meslec wo wodervanjim sę wod całosćē Polskji. Wudba takō była be samobojsctvem. Chodzi tu wo njic jinsziho, jak leno wo s p e c e j a l i z a c e j e prōcē, dobetno na Kaszebach nocnech. Bo te, zanjim sę staną polskji, mdą straconē dlo njemczeznē. Ks. Wojciechowski procem ks. Łosińskijmu: Kaszebskji strone nocné mdą straconē, kjej nje wostaną kaszebskjima (!). Procō polskō henez nje vesticzō; tracimē tam vjedno grunt pod nogami. Postęp germanizaceji



novjikszi je na Kaszebach nocnych, co sę dô stvjerdzec v liczbach. Zôs Gaz. Torińskô tak podovô: Ks. W. stvjerdzô postępe germanizacji na Kaszebach i vjidzi jederné zbavjenjé przez ruch młodokaszebskji (!), chteren jak nożeczni vespjerô, choci som nje je Kaszeba. — V wobronje mk. stovô Bernard Chrzanowski z Poznania, co „wodkreł“ Kaszebską dlo literature polskji. Poseł dr Łaszewski z Gredządza (pozdniejszy I vojevoda pom.) moŃji wo stosunku novi worganizacji kaszebskji dlo instytucijov polskjich i vjidzi požetk tej leno, kjej młodokaszebskji mdą z njima procovac ręka v rękę. Ks. Wojciechowski zapevnjô, że takji leno mogą bęc zamjare mk. Starszô generacijô może mjec v svim rękü kjerunk planovi worganizacji, kjej sę nje wodsenje wod mk., na chternejch patrzi z njevjarą, jak to sę v dzelu stało przez svjezo założoné „towarzystvo przejaceli Kaszebov“, le novą worganizaciję vesprze (mô na mesle worganizaciję zrzeszoną z Polochov przez sędziho Chmieleckiego v Sopoce 15. VIII 1912 r. — przéb. aut.). Dr Sobiecki wodzvoł sę „niedorzecznie“ procem mk. Przemovjelé jesz jinzi, po chternejch kuńc diskuseji beło wo 7.10 vjeczor.

Sprzeczně belé zdanja v spravje statutu. Inicjatorze zjazdu belé na przějécé pôpravkov redakcyjnych, le njick vjicij. Diskusejô beła bez wuchvał. Pevné zeczenia zebranech komitet mjoł, jak le sę dô, wuvzględnjic, przesle statut z popravką zebranim i zvčlô nové zebranjé, na chternejch worganizacijô mk. mô bęc wostateczno załatvjonô. Chto na dregji zjazd nje stavji sę, może sę pjisemno zgłosec jakno członk. Do przěszli worganizacji mk. (zarządu) zebrani zapevnjilé sobje ks. prob. Cyrę z Drzycima<sup>1)</sup> jakno przewodnjiczajciho zarządu (prezesa), jakno sekretarza v. dra Majkovskjiho, skarbnjika v. dra Kręcjkjiho. Kuńc-zjazdu v tim dnju wo 8.30 vjeczorę.

## Reflekseje zjazdové

Nad tim zebranjim nodložszô beła diskusejô, szerokô i czekavô. Zetkněl sę dva prąde: mesl młodokaszebov wo retovanjim Kaszebskji przez wuvzględnjenjé pjervjostkov kaszebskji i mesl vszechnopolskô, chterna szła v to, žebe steczno, dô sę povjedzec, gvaltovno spolszec Kaszebov, choc ze vszetkijm wo słabech podstawach, co mdze mogło do teho słužec, z vjolgjim njevjerzenjim ruchovji młodokaszebskji, vjidzając v njim njebezpiecznosc separatizmu. V zaproszenjim z wodezvą na zjazd verazno beło povjedzané: „Diskusejô nad kvestejā, czē ruch młodokaszebskji je wuzasadnjoni abo njé, nje mdze dozvolonô“. Diskuseji ti nje potrebovelé

dopuscec, jednak na njā zezvoleł. Mě czelē to tak, jak be przecnjice młodokaszebov z njezgorā przęgotovelē sę na zjazd. Ks. poseł Łosiński (z pochodzenia Kaszeba) beł jejich predstavjicelę. Jeho zarzute malińkji dało sę letko wodepchnąc. Jednak njechterni wostelē przē svojim nje vjerzenjim młodokaszebov. Pravje przē kuńcu zdarzelo sę, że z przęczenē njeporozmjienjijo, dze njicht vjinē njij mjoł, ks. poseł Ł. wuvozôł za konjeczně wostentacejno zebranjé wopuscec z svojim tovarzeszē dr Sobieckim (wosobjisti adherent posła Ł., advokat, pozdniejszy starosta karteskji — p. a.). Tenže, to jesz dodajęc, svojim przemovjenjim sę skompromjitovoł jak njicht jinzi; jeho argumente bełe czesto dzecinni bez nomjeszi znajomoscē jistnejch interesov Kaszebskji i jesz z zaczepką vosobjistą procem dr Majkovskji. Że njimo teho zebranjé nje wodbelo sę bez rezultatu, zapevnjajęcē so dô zarządu novi worganizacji wodpovjedné vosobe, to je zasługā przewodnjiczajciho zebranja v. Romana Jante-Polczyńskjiho (posłę do parlamentu njemjeckjiho wod 1890 roku z povjatov karteskjiho, puckjiho, vejrovskjiho. Kaszeba — p. a.). Svojim objektivizmę, taktę i zręcznoscā doprowadzēł do povezsziho rezultatu, co podkresleł v. dr Majkovskji v toasce, vęgłoszonim na tczē przewodnjiczajciho zebranjov zjazdu na vespólni vjeczorzē wuczestnjikov zjazdu (v „Danziger Hof“).

Takjim komentarzē zakuńczel v protokule sekretorz ks. Wojciechowski<sup>2)</sup> pjerszi dzień zjazdu. Postępnijho dnja wodbelo sę dregji zebranjé.

p. v. m.

Feliks Marszôłk

<sup>1)</sup> Ks. Cyra zgijnął v vępodku z autę dnja 14. VIII 1914 (wurodz. 1857).

<sup>2)</sup> Ks. Wojciechowski wumar 28. VI 1937.

Jan Rompskji

## Vseboj

111

Vjichre veją . . .  
A cemnosce nocē  
Pjorne reją —  
Jem v wognja złoce.  
Ve mje chaja,  
Boju je straszni ręk.  
Vjichrov paja  
Tam mstē prevadzi zvek.

Jô do Ładē  
Drožeszczē chcę ju mjec.  
Dej mje glade!  
Zlecē, do mje ju zlec!  
Jô le cebje —  
Do ce blezij chcę,  
Co boj grzebje,  
Vcig na ce leno źdżę.

## TESKNJACZKA

Vjerzt povstali v kuńcu XIX a na počatku XX stalatiho — nen „vespjevol starovni pjesnjorj kaszebskji“, jak nas informuje czetińc, za postrzednjictwę chter-niho v „Zrzeszē“ wukożą sę postępnę publikaceje ledovihotrudadura kaszebskjiho z pov. karteskjiho, v pjsovni przez nas stosovani. Red.

Stroskani tułocz, vęgnanjec ti zemi...  
Smutek mje sciskô, desza baro mgleje;  
Lud tak valeczni hi tak Bogu vjerni,  
Dzisi, jak trzcena wod vjatra, so chvjeje.

Dzisi ju koźdi goni za mamoną;  
Sprzedaje zemję hi włosné wognjisko...  
Sprzedaje vjarę, sprzedô deszę całą...  
O! Straszni sąd Boskji je ju tak blisko.

— Dzisi lud nje chce mjec Boga nad sobą —  
— Dzisi lud skłôdô hołde temu svjatu —  
— Dzisi wobłuda, zazdrosc hi njenavisc —  
— Dzisi nje wuvjerzi navet brat bratu.

Jak długo, Boże, scerpjisz takji zlosce,  
Kjede też zrobjisz kunjec ti wobłudze...  
Kjede zavjeje duch svjēti mjeloscē,  
Żebe zapoloł svjētą mjelosc v ludze?

Vjem, żes vszechmocni hi że vszestko możesz.  
Zrob, be lud cali wuznoł Ce za Pana!  
Cze Te som zechcesz, tede to wuczinjisz,  
Że vszesce razem padnjem na kolana.

Vjem, żes łaskavi, le korzesz za zlosce;  
Za grzeche nasze hi za nasze vjine.  
Lecz wodpuszcz, Boże, przez Twémjłoserdzē!  
— Bo czas ju zesłac dlô nas pokoj mjeli.

Vjem, że to zrobjisz, le njic nje vjem kjede:  
Napevno będę ju spoczivoł v grobje!  
Le Tę doch mje zbudzisz z mego tu spanja,  
A jô povstanę hi zložę dzięki Tobje!

póvac, tejde może be Kaszebji stelē sę Polochami,  
ale znovu serce mdze po svojimu bjelo; to jednak  
z teho njic nje mdze.

\* \* \*

Rozmajiti rozmajie wo tim godają. Czegos sę  
vjerę docigają, ale jakjis z teho komus przindze  
pożetk? Chodzi wo wodrodzanję sę. Wodroda  
Kaszebov na vschodze na ten sę ôrt wodbivô, że  
njechterni z njich „zachodzą“ v zosodze. Po tim  
poznac, jak movją, strone svjata... To je tak  
wobmeszloné, że, jak chtos do zosodē pudze, tej  
nastanje szczętleosc i pokoj mjedze ledami. Do-  
konô teho gvesno novi człovjek przez ten czas zro-  
dzoni? Podobno jo. Nji mogę jednak v to wu-  
vjerzec, żebe „separatisce“ konjeczno za „separatizm“  
chcelē sę separovac i sedzec v zosodach. Chto  
chce bęc „państvovotvorci“ dlo zaspokojenju sviho  
sadizmu, ten dregijho v bloce, bagnje mdze topjel —  
tak czenją nom njeżeczni ledzē. Jinaczi nje potrajfi  
„voźnim“ bęc człovjekę, jak leno błotę go wobce-  
skivajacē. Przindze nom czekac le na vęrovnanjē  
bilansu. Njic jinsziho.

\* \* \*

Zaczôł jem wo takjim zdarzenjim:

Wokręt na morzu v dalekji jachoł strone. Vo-  
zr.é mjoł polecenję, vjele zalezalo też wod dobriho  
sterovanjô. Płenęłē v towarzestvje zlotiho słunuszka  
i spokojni noeē. Belniho mjelē kapitana; kjerovoł  
żecim ledzi i wokręttem vestrzod drogji. Jakjihos  
razu bladi strach njibe wogroszka zatrzis załogą.  
Hevoż zvjastun njeszczesciho na vjidnim morzu!  
Pokozoł sę i sedzi! Sleskji zib zniji vzdrig serca  
wokrętnjikov. To petrel\*), małi ptoch wusod na  
przedze wokrētu! O, to lechch zvjastun i njespo-  
kojnech dnjov! Njerez do sto mil wod brzegov  
lotivaje jak v bładziszczu. Ceż robjic? Choci  
njick nje vskazivalo, żebe chlastavjicą pokreło sę  
njebo i vode, bojni kapitan zastrzeloł ptoszka. Me-  
słoł, że burzę tim wodnekô! Njespodzajno reklē  
vjichre, zburzelē vode morza i wokręt zatopjelē.

— Kapitanje, mesłoł jes, żes vjichre i pjorne  
wusmjercoł, a to ptoszka le zgjinął! Bolecha.

\*) n. Sturmvogel, l. Procellaria.

Z D N J A

## Z dzisa i na vjitro

Spotkoł jem nje pomiloniho roz Kaszebę. Na-  
szło na mje takji rozpolenję i rzek mu jem, że vszesce  
Kaszebji mdą muszelē stoc sę takjima Polochami  
jak v Varszavje. Nen spokojno wodrzek (autenticznē!):  
— Muszelē be krev vępompovac, a polskji vpom-

## Włosną drogą

II

Do techczos Zrzeszińce nje vspomjinelē v svo-  
jim cządnjiku wo nas prostim ledu i to pevno z ti  
przęczenē, że lud ten mało czetivô ten cządnjik i nje  
zajmivô sę blezij svojima spravami kaszebskjiimi,  
choc rovnak jak inteligencjē tak i nom chodzi wo  
vjelgą rzecz — Kaszebstvo. Njimo vszetkjigo i mē



## Wopocuszkom

Wopocuszkom zvone graja,  
Wuceszni jich ton.  
Zev na nobožinŕstvo daje  
— Do njeba naj gon...

Tak vaj wopocuszkom voľô  
Do kaszebskijich stron  
Tesknjaczka gnocanô — golô  
— Serca smutni zvon.

Wopocuszkom v rodni brzade  
Wusadnje so ptoszki;  
Won je doma, trojni sade  
Wonjã mu woporenoszk.

Hej, vanožnjice, va bjedni  
Porozeszli v svjat,  
Jakuž wubjiszczak v se sledni  
Rozetkani kvjat ?!

Tę kol starszech — nenkji, tate  
Sink na klinje je;  
Pogovarzą v checzë brate,  
Sostra posmjeje...

Namjenjenim, vënekani,  
Nji mosz njick kol se:  
Anji zevjãcigo zvona  
Anji rodni vsë...

---

momë pravo i wobovjãzkji robjic i meslec wo nji i jã bogacec. Je ju nowešzi czas sę do tego zabrac, nje zdrzec na to, co robjã jinszi, le dobrze sę przë-zdrzec sobje samimu, zdrzecec z sebye cezenã a vë-dobëc jistnigo ducha. Më Kaszebjci nje jesmë žodnim tovarë tuzinkovim anji tandetã produkcijnã. Jak koždi jinszi norod — v ramach wogolnoledzkijich momë spëlnjic rolë dzejovã. Nachodzi ju czas, v chternim czenë zadecedujemë, czë Kaszebskô przestanje bëc targovjiszczë a przerodzi sę v przedmurze wo tak mocni vortosci moralni i fiziczni, wo chternã koždô fala sę rozbjije. Tę provdë muszimë zrozumoc.

Naszô inteligencjô nje posodô teli rak robocech, žebe budovac cos kaszebskijigo nje leno vjolgim nakladë seľ fizecznych, ale i belnim kapitaľem moralnim dlo vspolnigo dobra — przez prôcë vszetkijich Kaszebov abo pomoc skãdes jinãd. V vľosni potrebje më muszimë sę zdobëc na maksimalnã energiejë. Jesmë norodë bogatim v vëtrvalosc, chternã vzmocnjic trzeba v prôcë dlo nas samech.

Ideologija ezenu muszi sę zrodzec z naszech individualnych i zespolonych vortosci. Tede zorç-

## Co sę czeje ë ezetô

Pod znakę Sztandaru

Njedzela 17. X. tr. v Vejrovje mdze pamjëtñô z wodbivajãci sę wuroczestoscë pod znakę braterczci wofjarë povjatu morskjigo dlo Armeji. Wuroczestosc przekoziwanjô 11 ckm. I bataljonovji morskjimu i sztandaru wodbiva sę przë vespoldudzale dostoj-njikov pañstvovech i koscelnych, akcentujãcych svoja wobecnoscã, že pevno docenjô sę znaczenjë i wofjare Kaszebov povjatu nadmorskjigo dlo potrebov Armeji. Robota zworganizovani pomocë dlo vojska daľa dobri venjik. Wuroczestosc vëkoziva, že nje vëstorczô sebye vszędze Kaszebã nazevac, ale zdo-bëc sę na nõskromniejszã chocebe wofjarë. Patrząc na przebjeg wuroczestoscë — woddovanjë vojsku bronni noleži wuvožac za moment stateczni, ale akt darovanjô Sztandaru bëł dlo nas nopjëknjeszi. Sim-bolë najiho vespolnigo žecô — „Sztandar” — daro-vani przez Kaszebov, njechže mdze Polochov i nas na vjedno parłeczol v vespolni spravje.

Kjile belo jesz momentov takjich, tovarzãcych wuroczestoscë, že noleži wo njich choc v krotkoscë vspomnac. Znaczenjë moralnë przeživaniho dnja dało sę dobetno vëczëc. Przemovjenjë Grothe z Že-leva vëkozivalo troskę wo dobriho žoľnjerja i przë-vjãzanjë do svoji vjarë. Minister sprav vojska gen. Kasprycki podkresloł vogë konsolidaceji spoleczeń-stva i mocni armeji v marszu do przindoscë pañstva, czën Kaszebov je teho dokožë; dól v veraznych slovach to zobovjãzanjë, že zmjilkji historecznë pro-cemku do Pomorza njigde ju sę nje povtorçë. Je to virazë zdedecovani wobronë Pomorza i boczlevi napravë stosunkov. Serdeczno movjeł ks. biskup morskji dr Okoniewski. V dľuchu kaszebskijim-po-morskijim przemovjoł na poľnjim žoľnjerskijim prezes „Stanicë“ v. E. Jonas z Tornja. Na czase v ti mesle movjeł v. K. Kreft, viceprezes „Stanicë“. Przemov-jenjë zôs provadzãciho vjidzavjisko perznë razelo „zemnych“, jak podovô prasa, Kaszebov. Tuñce kaszebskji vdžeczno belë pokozanë. Belno movjeł burmistrz Vejrova v. Bolduan z vorãdze nadovanjô

---

kovac možemë ji trvalë dobëcë. Cëlem najim je wostac sobã przë peľnim wudoskonalenju. Cël ten muszi wodpovjodac duchovji slovjañskijimu i ležec na linji jistnych interesov kaszebskijich. Muszi bëc nasz vľosni. Drëdzavo kaszebskji. Nje szteczeni anji požeczoni. A tede mdze znac robotë inteligencjeji belnã, rzetelnã, jakno svjadectvo vortosci moralnych.

F. Bieszk

wobewatelstwa honorowiho Vejrova naczelnimu wodcovji — marsz. Śmiglimu-Ridzovji. Przemovjenja te mają swoje vimovę. Mjilko belo vjidzec i „Grifa“ na wofjarovanim sztandarze; to vjidni znak przejęti wobronē Kaszebskji przez polskji vojsko! Na defiladze belnō postava vojska, rezervjistov, tovarzestv, dzevczēta v snozech strojach kaszebskji i simpatecznō grepa rebokov z mjedzemorza z pjēknim spjevę sklodało sę na njezabędlevi wobroz rzeczevjistoscē.

### Zasadzenjē

V apelaciji przed Sądę Wokręgovim v Gdinji stovoł dnja 5 rujana tr. Vaji redachtor wodpovjedzalni Ignaci Szutenberg, radni mjasta Gdinji. Przez Sąd Grodzkji v Kartizach na njejavni rozpravje 18. 7. tr. skozani beł na 3 tidznje aresztu, zaplacenjē karē 10 zł i kosztov sądovych 6 zł. Na rozpravje apelacejni skozani je na 9 (dzevjęc) mjesaci aresztu bez zavjeszenja, zaplacenjē 50 zł kare z kosztami sądovima. Rozprava ta bela javnō. Zaczepjoni przez sąd art. „Gduńsk, nasz stoleczni gard“, dlo przēboczenjō dodomē, nje beł skonfiskovani, jeho meslā przednjā belo vēkozanjē przēmu-sovi rezignaceji dzejovi Kaszebov procemko do teho, na co sobje pozvolō politika njemjeckō pevnō se ve Gdińsku. Z mola wosta zapovjedzanō kasacejō.

### Z zecihō »Stanicē«

Wodbeło sę 15. X. tr. inauguracyjnē zebranjē diskusejnē Zrzeszenja Mjēlotnjikov Kaszebjznē v Tornju, na chternim przemovjenjē povjitalnē jak i referat na temat „Odrodzenie zachodnich Kaszub“ vęgłoseł prezes „Stanice“ v. Edmund Jonas. Potemu dosc ževō nastāpja diskusejō.

### Epilog z 1935 roku.

V rujanje tr. wodsodivoł v. Al. Labuda szterodnjovi areszt za zervanjē pjeczęcē z maszinē drekarczy „Zrzeszē“, chterna tej v vanoženim svojim wutulenjē nalazła pod dachę stari checzē, co vedle worzeczenjō karteskjiho starostva spovodovalo ji zajęcē z przēczenē njebezpjecznoscē žecō, a z povezsziho wulokovanjē její v budinku starostva do jesenji 1936 r. Starostā tejde beł vasta Jerzy Czarnocki (fortuna variabilis). Wodsedzenjē karē administracejni nastāpjelo kjile dnji przed vęgłoszenim v Tornju referatu vespole z dejā Vjolgjiho Pomorza na temat: Wodroda zochodnech Kaszebov. Ten fakt tłomaczy v. dr Stelmachōvskō na svoje wudbanjē v broszurze „Regionalizm etnograficzny na tle przykłađōw“ str. 23 na ten ōrt, że „pjismo to (Zrzesz) wobjavjelo tak mocno swoje tendencje separatistecznē(!), że v kuńcu belo skonfiskovanē i zavjeszonē“

(Arch. Etn. I. Zach. Słow. U. P. z. I Poznań 1936). Vastnje ti i to jesz przēpomnjemē dlo zakuńczenjō: mutatis mutandis ...

## P R Z E Z E R V E D A V O V

— „Gramatyka pomorska“ Dr F. Lorentz. Zeszyt 8. Poznań 1937, str. 1017—1176. Zavjerō: dokuńczenjē dzelu trzeciho. Dzel cvjortj: I Składnia, II Nauka o zdaniu. Sp. dr Lorentz przeprowadzoł korektę ti vjolgji gramatikji do str. 1129, postępnē sā Vēdavnjictva. Do nabecō v kšęgarejach Gebethnera i Wolfa.

— „Katilina“ — Leon Heyka. Szolobulka v trzech aktach z prologē i epilogē. Kartuzy 1937, Str. 63. 80.

— „Tek a P o m o r s k a“ v wostatnim czādku (Nr 3 R. II) mj. j przēnoszō: Drogi młodej inteligencji pomorskiej — A. Bukowski; Prof. dr Józef Łęgowski a Kaszubszczyzna — J. Karnowski. V kronjice: Akademicy pomorscy w Warszawie — B. Nuszowski; recenzejō J. Karnovskjiho vo dramace Stefana Bieszka „Tobie Ojczyzno“ napisanō barō žeczno, z vskozanim na belni valore wujęcō dramaticzniho sztekji.

— „J a n t ā r“ R. I z. 3 wrzesień 1937 Gdynia. V dzelu recenzejnim postrzegomē charakteristicznē womovjenjē ksāzkji Stelmachovskji B.: Sztuka ludowa na Kaszubach (Poznań 1937) przez J. Krajewskā, chterna vskozivō na bogactvo ti prōcē etnograficzni jak tež i na pevnē njedokładnoscē, pomnje-szajęcē vortosee prōcē nowukovi.

## PIRZIEBŌCZIVOMIĖ

Do teho tu numru „Zrzeszē“ dołāczō sę „przekaz rozrachunkowy“ dlo tech Czeczińcov, chterni jesz nje wuregulovelē prenumeratē za „Zrzesz“. Chto regularno vplocō na abonament — ten dostovo regularno pjismo.

### Administracejō

## R O C Z E Z N E

1. XI. 1908 je vedani pjerszi czād „Gryfa“; vėdovca i redachtor dr Aleksander Majkovskji v Koscerznje; drekovani ve Gdińsku.

6. XI. 1657 Friedrich Wilhelm, elektor brandenb. dostovō wod Polskji Lębork i Betovo jakno lenno, Drahim jakno zastav.

Tłukjem „Zrzeszē Kaszēbskji“ v Kartuzach

